



## Tataqomaki e Wai

### 5 na ivakasala rawarawa mo taqomaki kina



#### 1. Kila na sala mo vakaciriciri kina

Ena rawa ni veivuke mo bula ke o vakanawanawa vakatadraicake na seremu me vakanamata cake, davo vakadodonu qai toni toka na daligamu e wai. Kua ni lomaleqa ia mo cegu tiko ga vakavinaka. Mo vakatovototaka rawa qori ena dua na gauna ni bera ni o lako i wai kevaka o sega ni kila na sala mo vakanawanawa kina e wai.



#### 2. Vaqara e dua na vanua vinaka

Mo dikeva vinaka na ituvaki qai qarauna na vanua rerevaki me vaka na vanua e kui kaukaua kina na wai. Gole ena dua na vanua o rawa ni cabe bula kina ke yaco e dua na ituvaki. Ena vinaka mo tiko ga ena vanua era tiko kina na timi ni veivueti. Mo vakarogoci ira na timi ni veivueti qai gole tani mai na veivanua era vakatakilakilataki.



#### 3. Ke sega ni vinaka, kua ni gole kina

Ni o biubiu mai vale mo kila rawa na ivakaro ni draki. Ena vakasama vakayalomatua mo qai gole tale ena dua na gauna kevaka o lomalomaruataka na kemu ituvaki, ke mani ca na draki se voravora na waitui. E rawa ni voravora se veisau na kui ni wai se na draki.



#### 4. Mo taqomaki iko kei ira dou lako vata

Mo dau veitmani kei na dua nomu itokani qai wasea vua e dua tale dou sega ni lako vata na nomu ituvatuva. Na ivudevude o daramaka e dodonu me mokota vinaka na yagomu. Ke ra tiko voleka se tiko e wai na gone, me dua na uabula matua me toka voleka e yasadra me vakaraici ira tiko qai rawarawa ni dreti ira mai ke yaco e dua na ituvaki.



#### 5. Kila na sala mo kere veivuke kina

Ke yaco e dua na leqa, laveta na ligamu mo yalovi ira eso tale qai kailavaka ni o kere veivuke. Kevaka o raica ni dua e kere veivuke, qirita na 111 qai kerea mo vosa vei ratou na Ovisa.